

通許縣志

第三冊

卷之六人物志  
卷之七選舉志

通許縣志卷之六

人物志

通許在宋以前分隸杞尉扶溝各境雖代有聞人胥附見於他志自咸平間置爲邑歷今七百餘年鍾靈毓秀加以涵育薰陶恢奇磊落之英歷歷可紀至於爲臣而矢匪躬爲子弟而念庭闈篤天顯匹夫慕推解之風女子感睢麟之化又豈不足以垂青史而流輝奕禩乎志人物

列傳

宋

通許縣志

卷之六

人物志

一

列傳

王代恕通孔氏尚書任萊陽主簿改潁州司法又改華州司法歷吳江句容二令以廉直聞子拱辰貴贈兵部尚書員外郎

王拱辰字君貺年十九舉進士第一爲翰林學士契丹使劉六符謂賈昌朝曰塘灤何爲者一葦可杭不則用十萬土囊即可路矣上以問拱辰對曰兵事尚詭彼誠有謀不應以語我此夸言爾至是六符又來求關南十縣指太宗伐燕爲無名舉朝莫知所答拱辰曰王師征河東契丹通使旣而寇石嶺關以援賊太宗怒遂回軍伐之豈謂無名乃作書報之契丹遂繼

好如初帝喜對輔臣稱其深練故實命權知開封  
御史中丞因對言夏竦經略西師無功而歸今除樞  
密使何以勸厲帝未省遽起拱辰前引裾乃納其說  
竦遂罷又言滕宗諒在慶州所爲不度而但降秩守  
虢懼邊臣則效宜施重責未聽卽家居求自貶乃徙  
宗諒岳州數年積官至吏部尚書王安石惡其異已  
出知應天府元豐初改武安軍節度使時三路行保  
甲法日聚民而教之禁令苛急往往去爲盜拱辰抗  
言其害時相怒爲沮法拱辰曰此老臣所以報國也  
上章不已帝悟自此第五等戶始得免哲宗立徙節

通許縣志

卷之六

人物志

二

列傳

彰德加檢校太師卒年七十四贈開府儀同三司謚  
懿恪

元

趙端卿字正之登大定四年進士釋褐授解州安邑丞  
閉戶讀書教誨子弟以孝弟忠信爲根本身自表率  
不徙事章句之學應薦授翰林編修召赴史館力辭  
而去執政欲求一見不可得士林高之詳見元好問  
所撰墓誌

明

時紀性穎睿經史百家靡不窮奧宣德庚戌成進士拜

其議

正統壬戌進士授刑主事北狩

先欲降之脅以威不屈也先怒拔傷其腦良辭色益厲知其不可奪乃釋之比還陞廣東叅政視交趾撫育有方改陝西叅政時西寇犯邊饋餉不給衆有難色良毅然獨往至涼州隨機處分西寇廟嘉其績璽書褒獎遂總督糧儲屯田陞右布左布政擢右副都御史巡撫甘肅飭邊廣儲積

通許縣志

卷之六

人物志

三

列傳

將練兵遇有警身先士卒矢石不避邊陲服其威信相戒不敢犯以年老乞歸朝廷重違其志允之即日就道行橐蕭然惟圖書數卷遠近遮道泣送數百里歸築別墅于縣南靳岡桑棗繞屋出則駕巾車比至城門卽徒步而入遇親友無少長禮讓備至宅第湫隘巡撫趙文博欲建室辭不受

賈恪字惟恭正統己未進士授監察御史出按浙江會賊陶得二作亂恪勦平之轉山東右叅議分守臨清有愬馮某僧以白粟未得而商舟未知所之或欲貴其償於僧恪之使人物色果於

南板橋開獲焉後以直忤時而歸所著有林居子若干卷

賈定字仲一恪子成化戊戌進士除知絳州有屠者殺其侶于谷中將私其不可又殺之事久不白定得其實抵論如律郡人稱神明值大饑設法賑恤救荒八事時總賑少司寇何喬新稱善遂下列郡世而行之尋陞山西按察司僉事卒於官撰守令政八卷備荒錄四卷奏議二卷一菴存稿六卷祀鄉賢崔文以父蔭授安慶衛指揮正德十四年宸濠殺巡撫孫燧副使許逵以懾衆心遂領護衛軍士並招集亡

通許縣志

卷之六

人物志

四

列傳

命號兵十萬襲江南康諸處順流東下直抵安慶四面攻擊城幾陷文奮力死守隨事設謀動中機會有欲昉逆爲內應者文誅其黨以徇且書國不可背城不可降一郡同死萬世流芳百餘紙繞市高呼人心益厲相持二十餘日卒獲保全累官至都督僉事陞總兵未之官卒

劉崇儒正德丙子舉人少夢入五嵒山因字五嵒初父督之耕崇儒求讀書師出句云綠柳堤邊飛紫燕對曰青松枝上轉黃帥異之俊二載入庠閉戶讀書妻常氏紡績佐之既登賢書授陝西西鄉令遷

府同知所在有清正廉能之聲以五崑山符其夢因以五崑名詩集

王順行字成五萬歷庚戌進士授大理寺評事歷守順德太原二郡悉著惠政尋備兵莊浪道夜聞沙雞飛鳴知有邊警遂整軍出寇適至大勝之時皆服其先識累遷至陝西巡撫大得士民心致政後敦睦嫻族鄉人欽其德義佐邑令修城區畫有方流寇至聞順行分守城池各驚怖遁去值歲祲施賑遍陳杞許三邑活老稚以億萬計祀鄉賢

李雲鴻字翔南崇正辛未進士任山西介休知縣調陽

通許縣志

卷之六

人物志

五

列傳

曲擢山東道御史巡按廣東性侃直不避權要凡不便於民者力除之撫恤海南黎人傾心歸化訓以漢俗俾知禮教轉浙江杭嚴道歲大饑疫多方賑濟全活甚衆

安尚禮字荆所萬歷甲午舉人任湖廣潛江知縣性廉潔捐俸修學宮築隄防折獄明斷遷太原同知去官之日行李蕭然歸里後非公事不至公庭鄉人咸重其品祀潛邑名宦

國朝

王章炳字文虎順治丁亥進士授湖廣鄖陽司理執法

不撓囹圄無冤抑者時楚寇未平拮据守城郡賴以  
安致仕歸日事鉛槧無異諸生時倡紳士葺學宮修  
邑乘卒祀鄉賢

劉濬泗字式尼補博士弟子員值 豫王下汴考補缺  
員試一等第一授太康縣教諭上官重其才委攝縣  
事有善政士民感悅勒碑建祠尋調湯陰教諭課士  
有法巡按飛章薦舉陞直隸安平縣知縣際歲荒民  
粥妻子濬加意撫恤捐俸代贖婦女一百八口竭家  
貲爲民完賦稅一千四百六十餘兩去之日士民攀  
轅卧轍悲泣不能自禁

通許縣志

卷之六

人物志

六

列傳

于展字孟成由附監考授州同授江南宿遷縣主簿練  
達河務上官委視外境工程及賑饑民無不盡善宿  
多曠土展委曲勸耕所穫遂倍於他土自是農桑大  
饒旋視宿虹同知篆宿之黃墩湖膏田鞠爲藪澤水  
逼堤將潰決展捐貲修築遂得以時蓄洩民商便之  
展性孝友父亡時弟甫四齡撫之成立盡以父所遺  
產子之鄉黨高其義

吳文獻字振岳由行伍隨征委防松江府青浦縣火攻  
營調征粵閩勦撫多功累陞廣東水師營副總兵  
進忠字伯成由行伍累立戰功流賊一隻虎寇荊進

忠堅壁待援無渝志卒擒賊陞直隸正定左營叅

子澤遠襲拖沙喇哈番宣武衛左所千戶

司百職字元亮康熙丙辰進士任四川江津縣知縣邑

經兵火後地廣人稀百職招集流亡墾田五百餘頃

修城垣建泮官風俗大振有巨族侵民塋地巧通賄

賂累獄不決百職微服潛訪掘得碑石巨族乃伏罪

邑素多虎患募敢死士親督其後入虎穴驅除之患

遂息康熙庚午充同考官所得皆知名之士旋陞刑

部湖廣司主事遷四川司員外郎丁丑科充會試同

考官擢戶部浙江司郎中提督福建學政所歷皆有

通許縣志

卷之六

人物志

七

列傳

政蹟

王琦字廷璧由武生授把總隨征驢尾寨奮勇當先擒

賊首白被時康熙三年調征茅鹿山又生獲李來亨

以功陞撫標千總再陞廣東肇慶府守備歷江西贛

州府都司僉事

陳化龍字玉泉由行伍授本省提標中營守備康熙十

四年隨征吳逆調守湖廣巴東縣後隨征譚逆化龍

率六十人爲前鋒與賊遇戰終日援不至卒無懈志

遂生擒僞總兵易文奇事聞功加四等陞江西南昌

路遊擊歷陝西寧夏中路靈州叅將卒於官櫬歸之

日兵民號泣相送

景暹字允昇歲貢生研究性命之學躬行不倦處已接物必本乎誠學者稱爲北岡先生及沒牟陽冉覲祖表其墓曰中州學人

于氏牧康熙壬辰武進士授四川潼綿營守備適番夷叛奉調隨征氏牧單騎深入誅其魁番人畏服尋陞嘉順營都司署建昌遊擊調藏地總要川口署越雋叅將金川內寇氏牧率勁卒二百騎斬賊首二百餘級錄功遷署副將以病告歸

忠烈

明

時植字良材任四川梁山縣主簿正德六年攝縣事流賊藍田等率衆攻城植固守七晝夜會大雨雪城崩被執賊刃其面使之跪不屈又刃脫雙腕益大罵不絕口賊怒殺之事聞詔贈知縣立祠以祀錄一子八監妻賈氏女三才俱殉節死

王章燦副榜貢生崇正十六年被寇執不屈厲聲罵賊賊殺之妻陶氏妾李氏俱遇難

李尚忠授劄委操兵值寇至單騎追之抵豎岡鬪死

通許縣志

卷之六

人物志

九

忠烈

李欽家貧事母甘旨無缺每卒廬墓三年河決塋內水深尺餘欽棲樹悲號翌日塋內淤墊隆起塋外水仍如故廬右有大樹烏巢殆遍啼聲若助其哀墳前產芝一本五色爛然

崔應詔官王府典膳母張膺重疾食不下咽者三旬應詔晝夜奉侍不懈焚香北辰願以身代醫言糞甘不治應詔取嘗味甘滑悲不自勝及卒哀毀骨立人稱爲崔孝子云

通許縣志

卷之六

人物志

十

孝友

于錡字伯嚴父戴卒大母韓在堂錡孝養備至及有疾焚香告天願損已壽乃割左股以進韓疾頓愈知縣陳正旌其門

時顯鴻母陳年七十餘抱疾不痊鴻割臂作羹食母沉疴立起壽至九旬邑令上其事藩司給匾獎之

張彥哲明季寇亂率妻羅氏負母間行猝遇賊賊愛其壯脅使相從彥哲負母逸賊怒追而殺之羅亦與害燕光呈崇正末寇掠其村父被難光呈急救之手刃數賊被執不屈而死官獎其者

婁禹璜年十七隨父避賊樓上父偶出被執禹璜自樓

躍下奮力以救父子俱遇害

徐自化八歲從母掇野菜狼突至嚙母喉自化持挺擊之奉母以歸人以爲有神助云

燕守眷三歲而孤母張撫之成立性純摯竭力事母養生送死子職克盡後避寇汴城死于難子于飛拔貢孫允中執中俱歲貢

國朝

康溫德父早沒事母傅至孝母病焚香祝天乞以身代及沒廬墓三年縣令賈待旌給匾表其門

王之魁性純孝父歿喪盡禮廬墓三年哭聲動遠近

通許縣志

卷之六

人物志

十一

孝友

妻孫氏同奉母晨夕不離左右食必親供鄉黨稱之知縣孫子昶表其門

景昇字方升武庠生幼失怙事母譚極孝家貧甘旨無缺母老無齒妻胡氏以乳食之壽九十四而終葬後掘地覆茅夜號其中晝則負土封墓日久成疾卒於墓側知縣高崧褒揚之

徐貴章年六十二母孫年八十五疾篤章割肘肉作羹進母病旋愈知縣王應珮給匾獎之

郭繼立兄早沒撫侄如己出值侄病且危繼立焚香告天願以己之二子損其一留兄子以衍嗣侄病愈

二子亦無恙舉鄉飲大賔

王之清順治十年拾遺金一囊封貯訪失主付之兄之強早故遺子賔僅四歲撫之如己出教以成名事故張如其兄又爲族子臻枚完配屢周其乏戚里翕然稱之

侯報公事母至孝母病焚香祝禱刲股食母病尋愈河東總督給匾以獎

馬奏平葬母後廬墓朝夕號泣河東總督給匾以獎王又曾天性甚孝家雖貧奉養備至父珠病又曾惶恐危懼焚香告天地刲左股調食以進父病隨愈

通許縣志

卷之六

人物志

十二

孝友

張獻璣幼失怙事母最孝母卒廬墓三年又嘗出財助人之急

韓玉珍增廣生性孝友制行端方邑令陳世翰舉孝廉邑令黃沛給匾曰好修碩彥

劉建極父染疾不愈割股以進人稱其孝

趙銘庠生性孝友廉介自勵父歿所遺金盡讓于兄後赤貧餽粥不給兄既亡奉養寡嫂盡禮鄉黨重之

景份暹之子字心水雍正甲辰進士性純孝父病衣不解帶目不交睫者三月既卒慟不欲生杖而後起及母亡哀毀遂致成疾展轉床第數年仲弟不能營家

計以祖遺產讓之季弟病親嘗湯藥不假童僕手  
里稱之所著述有學庸存叅語孟講義增補孝經貫  
通正解讀史評略日知記等書藏於家

時彥誠元季寇起誠集里人訓練貧者給粟病者給藥  
傍村有被盜掠誠率衆逐之數十里賴之以安及卒  
鄉人哀之今尚稱義翁家

苗讓字仲謙家富厚鄉里婚喪不舉者周卹之無吝色  
正統四年大饑以積粟惠親族又輸粟二千八百斛  
助官賑知縣具事聞詔旌其門

賈讓慕苗讓之義出粟如其數時倉庾空竭得兩家之  
米民賴以生知縣具事聞詔旌其門

通許縣志

卷之六

人物志

十四

義行

張祥正統四年陝西兵變祥出米麥一千石助濟榆林  
軍馬詔旌爲義民建坊勞羊酒免闔戶雜差五年  
劉名世增廣生偶經尉邑見犯杻繫起解夫婦相泣不  
忍別詢之婦曰夫得十金可生名世如數與之不問  
姓氏而去又貧士路在義素非相識名世憫其窮飲  
食教誨之得入庠又施漏澤園十畝

郭養性天啓七年輸粟一千石助賑邑令給匾萬歷四  
十三年施貧民棺無算本族貧不能娶者爲之給資  
完配凡二十二人

張若魯義民祥之孫崇正八年協濟本縣守城義民穀

一子石巡按 之

業賈獻策王樂義三人皆立品化俗舉鄉飲  
廷獻增廣生明末寇亂聯鄉衆保魯臺拒賊賊并  
攻之寨破猶奮擊不屈與妻羅氏俱被害

國朝

仲自友以肩販爲業順治十四年於陳家集見二騎挾  
弓矢伺客後自友察其爲盜慮客被劫也索槍于逆  
旅主人比至客已傷盜發其篋自友急刺之盜墜馬  
一盜連射之不中而遁因乘盜騎追及五里殺之知  
縣賈待旌上其事巡撫獎之

通許縣志

卷之六

人物志

十五

義行

婁四信明末結殘民修城墾荒巡按匾獎之  
孫承宗字丕揚庠生遭亂後痛親早亡未盡孝養值諱  
日悲泣不食終身無改有應受絕產讓從弟繼宗甲  
申之變從叔化病不能徙舉家奔竄承宗獨與叔相  
依叔沒祭葬如禮年八十餘遇 恩特賜老人綿絹  
米肉者三次分給宗族鄰里曰普 皇仁也兩預鄉  
飲年九十五而沒

潘之鰲字占獨增廣生幼喪父事母婁氏以孝聞流寇  
亂舉家流落賊營鰲左右其母瀕死者數撫弱弟之  
驥盡友愛田產任所擇鄉黨鄰里皆化之孫清湛

繼 庠 登

王國士樂善好施里有嫠婦王氏家貧姑 嫁之氏  
從國士遺之粟且常繼之氏遂得完節康熙辛巳壬  
午間歲荒旱解衣推食無筭有死不能掩者給棺葬  
之諳醫理多積藥以施病人居近羅家窪地洿下修  
橋以濟行旅又施義田葬死無所歸者歲施茶湯冬  
夏無缺合邑稱爲善士舉飲介賔

王賔字大賔四齡而孤依叔之清成立事叔父母如父  
母常施棺以助貧不能葬者值歲饑捐粟賑濟鄉黨  
賴以存活舉鄉飲大賔

通許縣志

卷之六

人物志

十六

義行

何從坤字順徵授八品頂帶農官積善好施鰥寡孤獨  
無不周給施藥餌活人最多鄉黨有何善人之稱兩  
舉鄉飲閭里榮之

王國生字漢卿監生性孝友父故遺婢名老姐不願他  
適國生敬事終身城東及仲舒岡各修橋一座商民  
利賴置義田七畝掩暴骨後又施義田二區一在趙  
塊一在韓家庄精岐黃施藥餌求者踵至不厭  
潘文元字宏儒庠生志尚恬退不干名譽以講讀訓課  
爲己任成就甚多公直廉潔人皆敬之

潘履泰字際昌庠生文元之子寬厚和惠坦易遇物鄉

黨有構爭者諄諄勸諭化以和睦年踰八旬甚矍  
陳澤字膏如庠生事父母以孝處族黨以和嘗冬月遇  
客爲盜劫澤解衣衣之周以資斧其人詢姓名終不  
告他如捐棺施藥修橋補路濟人更多

姜法祖武庠生歲饑出穀三百石賑濟全活甚衆  
貧伍錦嘗拾遺金于市訪失主還之遇貧不能葬者買  
棺以殯至以米粟給鄰里未嘗稍有吝色

徐德廣性好施予乾隆四年遭水患德廣賣田得銀百  
數十兩盡散與鄉鄰之無依者迄今感德者弗衰

范謨性純孝兄亡事寡嫂盡禮姑子毛士言家貧隨母

通許縣志

卷之六

人物志

十七

義行

依謨謨予以數百金俾貿易土言蕩費盡落魄他鄉  
謨使人促之歸相待如初至如掩暴骨助貧乏人多  
感之

趙名顯王泮王有法張羅俊王勳俱邑庠生立品化鄉  
舉鄉飲大賔

毛文燦好善樂施舉鄉飲大賔

段吉人邑庠生性孝友處兄弟之間頗著怡怡鄉人楊  
廷獻貧不能娶贈以多金又有沈度者旣死幼子無  
所歸吉人撫之成立時加周濟至引翼後進成就者  
甚多舉鄉飲大賔

陳可進廉隅自厲一言一行無不中禮里黨聞者

爲良善舉鄉飲大賔

司屏翰立品端嚴以古人自許鄉黨尊其教沐其惠至

今稱頌弗絕子百職成進士視學福建稱中州名士

得於庭訓者爲多後舉鄉飲大賔

編萬歷十年值歲荒捐穀五百餘石助賑鄉民食其

德者爲肖像立祠

補編

列女

明

袁氏桑福妻洪武十八年福從軍遼東突圍中流矢死  
氏年二十乃剪髮誓不他適紡績資食詔旌其門  
賈氏梁山簿時植妻植死節賈隨自經女名三才甫九  
歲哭於屍傍賊至縱火大掠女亦投於火詔旌之  
司氏夏全妻全卒氏哀毀屢絕姑潛察其志守之得不  
死遂織紵奉姑及姑卒祭葬如禮歷節五十餘年  
苗氏舉人時中妻夫死孀居四十年善事舅姑葬祭如  
禮有司上聞旌其門

通許縣志

卷之六

人物志

一

列女

游氏生員時雍妻雍死人有勸其改適者氏毀形自誓  
歷艱苦不懈事聞給米肉布帛以獎

苗氏廩生賀國相妻年十八歸賀六年國相死無子哀  
毀幾絕事姑盡孝養及姑死殯葬如禮事聞奉旌

武氏賀錦妻年二十二夫亡子國英尚幼氏誓守貞節  
撫孤成立授王府典膳邑令上其事獎之

張氏柳金妻年二十金死無子夫兄玉利其產欲令改  
適氏不從玉乃陰受谷思明聘給氏往探親比至思  
明欲犯之不可以挺撻之身無完膚至死持衣帶不  
脫憲司問擬抵罪表其門

于氏生員韓守科妻夫故遺孤繩祖纔九月艱苦撫育  
娶婦張氏更七載繩祖亦故張與姑共矢冰蘖繼侄  
起龍爲嗣後于氏以壽終張氏遭寇難城陷投井死  
蘇氏李桂繼妻夫亡遺前妻子四歲氏克孝克慈孀節  
凜然有司上其事請旌

張氏張成文妻生三子擢振掄夫亡苦節力紆績奉姑  
訓子巡按獎給銀穀

徐氏庠生張嘉祥妻無子立侄振爲嗣後妾黃氏舉一  
子名操祥故氏撫教二子成名

楊氏燕民悅妻悅亡氏念舅姑俱耄且有遺腹不可死

通許縣志

卷之六

人物志

二

列女

操作養親及生子撫之成立訓孫知名奉獎

于氏李逢生妻夫亡矢節五十餘年訓子孫成名

李氏趙渭妻渭故氏紡績自給撫子成立

李氏厲高妻夫亡守節撫遺子後子及孫俱成名八旬

卒

張氏王召妻夫亡家貧事舅姑極孝及姑病割股以進

遭寇亂沉井

淑姐庠生張印昌女年十五流賊圍汴隨兄宸極避難

城耳岡遊騎至義不受辱投井死時崇正十五年也

韓氏廩生游省機妻事舅姑極孝夫故撫子八庠奉獎

張氏生員曹文昭妻文昭故氏與妾伏氏貞苦自守奉  
姑極孝事聞奉獎

婁氏王善政妻流賊破城適子運開遊學他邑僕勸之  
避不從端坐罵賊死

皮氏高光昭妻夫故守節子登雲娶王氏未幾登雲亦  
亡王氏勵志奉姑二嫠相倚爲命閭黨欽之

王氏馬夢麟妻奉姑張氏以孝聞張染目疾氏舉艾葉  
肉羹進痊後見其臂伸縮作痛楚狀誥之不肯言徐  
乃知之

趙氏遼東錦州人訓導劉竹繼室撫前妻子若已出後

通許縣志

卷之六

人物志

三

列女

竹陞涼州鎮番衛教授氏與子留許值寇亂携子避  
難陳留遇賊拷掠氏大罵之賊怒槍刺洞脇而死

張氏孫守業妻夫故撫遺子克全孝節知縣獎之

李氏羅萬一妻遇寇於鳳形岡劫之馬上氏極口肆罵  
賊強掖之乘間投水死

許氏周梅妻夫亡遺孤紹俊十三歲氏堅貞守節娶婦  
于氏生孫五歲俊又故于氏礪志同守歲饑掇藜藿  
以食事聞優獎

夏氏李讚妻夫亡守節累數十年里閭罕窺其面奉獎

周氏游鵬翹妻夫亡守志不渝事聞給額以獎

氏武生景洪然妻姑病割股以進姑病尋愈

氏吳堯卿妻夫故遺子燦六歲煨三歲氏撫育兩孤  
逮鞠諸孫年九十而終

李氏生員梁翰妻崇禎十六年偕子婦邢氏避難爲寇  
所執不屈殺之迫邢氏亦不屈又殺之後翰繼娶席  
氏翰死席氏教子成名

國朝

崔氏王一誠妻夫貿易外出死於寇氏奉舅姑避亂河  
北備歷艱辛無異志亂定旋里年八十餘

毛氏謝廷獻妻獻遭闖寇之亂被虜遺二子俱在弱齡

通許縣志

卷之六

人物志

四

列女

氏携之奔竄亂平歸里勤儉持家訓子入庠

陳氏謝朝遴妻遴卒氏年十六矢志守節父母欲奪之  
不從後歸寧父強欲擇配服毒死

蘇氏陳加科妻夫亡遺子四人忱惠恪悽值流賊之變  
氏携子遠避訓忱等及曾元孫悉成名一門蕃衍五  
十餘丁孀居六十八載壽九十而終屢經旌獎

趙氏年十八適韓國士國士故立志守節教子成人知  
縣給匾獎之

李氏年十六適何崇福甫二載福故水操自勵孝事公  
姓六十年如一日鄉里賢之壽八十六而終

楊氏劉印興妻興死氏有遺腹甫三月立志守節後二

年遺腹子死父欲奪其志氏覺急趨拜夫墓縊死

李氏生員陳順昌妻事舅姑最孝順昌避寇死於河朔

氏携二子流離奔走事平歸里教子孫力學子星煌

孫琅玕俱入庠食餼卒年七十七

錢氏陳維訓妻訓亡氏親操井臼克盡婦道撫遺孤入

庠知縣給匾獎之

燕氏適王任任死遺子僅三月氏堅操不可奪撫孤成

立知縣表其門

郭氏張執中妻年十九執中故遺孤纔八月氏勤紡織

通許縣志

卷之六

人物志

五

列女

奉翁姑教子義方三十二載如一日邑令給匾

康氏候選州同劉學瑞妻性至孝值姑病晝夜侍湯藥

割股以進姑病愈事聞奉旌獎

朱氏潘養超妻超故甘貧守節四十餘年邑令獎之

周氏孫騰雲妻雲死遺一女氏甘貧守節夫弟陰受馬

王金給氏出門強携之登車氏怒罵不止抵室號呼

求死知不可奪鳴於官給匾獎之

吳氏監生王國生妻國生病氏割股和藥飲之旋愈

萬氏廩生趙鵬飛妻孝事公姑夫有錮病瀕危氏焚香

告天割股和羹以進病旋愈

趙氏高三綱妻年十七夫故撫子歷六十餘年

趙氏鄭四方妻年十九天亡遺孤未及晬家苦貧舅姑欲嫁之氏不從紡織以供兩親撫幼子成人

陸氏張加祐妻祐故遺孤天祥方二歲氏矢志守節保孤成立天祥性仁孝母病危禱祝割股病遂愈

陳氏胡宗道妻子方三歲夫亡勤紡績孝事舅姑送終殯葬如禮歷節三十餘載

馬氏郭惇妻夫亡無子姑年老氏勤績紡以供家雖貧姑未嘗憂凍餒署縣顧昌洛給匾獎之

李氏于國相妻姑潘氏染病湯藥無效氏焚香暗祝割

通許縣志

卷之六

人物志

六

列女

股爲羹姑嘗之病愈縣令給匾獎之

許氏張爾衛妻衛死氏年十九勤勞婦職奉舅姑育孤兒備歷艱辛八十餘歲而終

王氏張爲斗繼妻年十六斗故氏紡績奉翁姑撫前妻子如己出後家業漸興人以爲節孝所感

李氏生員王國欽妻夫故撫子信拮据卒瘞紡績以佐課讀歷三十餘年如一日後信遊太學生子入庠

袁氏高九功妻功亡無子以侄嗣姑病供湯藥飲食不少懈及亡祭葬如禮

張氏王士元妻夫亡自縊知縣孫子袒給匾獎之

于氏張理順妻年十九夫亡生遺腹子家貧得餽於父  
母家奉翁姑周妯娌一無所私後子死撫侄紹爲嗣  
苦貞四十六年康熙四十三年奉旌

張氏生員常念典妻典故子山姪鎮皆賴撫養守節三  
十餘年山入庠鎮亦成立知縣給匾表揚之

張氏侯起元妻起元亡遺子僅三歲未幾于殤取族姪  
爲嗣四十餘年冰操不渝

司氏張莞宗妻夫亡氏年十九矢志苦節善事舅姑嗣  
子尚在襁褓撫之成立知縣給匾示勵

劉氏申琰妻舅姑久病不痊思肉食氏割股以供病尋

通許縣志

卷之六

人物志

七

列女

愈知縣給匾獎之

廖氏馬萬傑母夫亡事孀姑撫幼子矢志苦節躬勤織  
紉知縣獎之

劉氏生員妻世璋妻穆氏武生妻世璠妻璋璠兄弟相  
繼亡妯娌共矢靡他事舅姑盡孝育二子成立

劉氏黃家婦年二十三夫亡守節四十六年事公姑以  
孝撫子孫以慈知縣給匾獎之

氏王堯妻年二十一堯故時祖姑年踰耄公姑俱垂  
白氏奉事不衰未幾祖姑亡公姑亦歿凡衣衾棺

皆措辦如禮遺叔四人天其三惟幼者依氏爲命子

生方三歲艱苦備嘗撫叔養孤能永

張氏婁正福妻福貿易他出氏勤紡績以養舅姑姑

氏日夜哭泣割股以進病遂愈知縣給匾獎之

呂氏萬炳妻炳亡無子氏年二十守志不渝以姪爲嗣

教之成立鄉人高其節雍正十一年旌

楊氏盧自明妻夫死以姪爲嗣勤紡織奉翁姑翁病割

股以食及卒祿土築墳鄉人重其誠孝

婁氏張顯璽妻璽無出氏爲納妾師氏未幾璽亡氏與

師氏同凜冰霜事老親撫嗣子苦節二十餘年

馬氏李福珍妻珍故生遺腹子氏年僅二十養親撫孤

通許縣志

卷之六

人物志

八

列女

五十餘年如一日

賈氏馬純望妻望故遺子在襁褓氏堅志撫之始終不

渝知縣給匾示獎

陳氏時克顯妻于歸二載生子甫三月顯亡氏年十九

矢志栢舟歷三十餘年如一日知縣給匾獎勵

趙氏李如奇妻奇故家無親屬遺子方五歲氏勤紡績

撫子成立苦節四十餘年知縣給匾獎之

連氏李文炳妻炳故氏堅節事孀姑盡孝以族姪址承

嗣知縣給匾獎之

張氏張振妻姑病不痊氏割股以供尋愈知縣獎之

劉氏王立命妻立命故氏勤勞節儉啟舅姑歸瑩爲叔  
姑婚嫁教子孫入泮守節五十餘年

謝氏生員王宏中妻中故氏撫姪爲嗣事舅姑盡禮歷  
節二十餘年知縣給匾示獎

郭氏女許字歲貢燕允中子鐸鐸親迎突病心疼死氏  
變服慟哭往弔遂留不去爲經理喪事夫家故貧氏  
紡績佐堂上甘旨姑病十五年輾轉牀第氏先意承  
志曲得其情雍正二年建坊

林氏武進士陳宏訓妻夫歿奉姑以孝課子有方歷節  
四十載雍正六年建坊

通許縣志

卷之六

人物志

九

列女

毛氏太學主陳焜妻焜故念孀姑在堂後嗣未繼不敢  
死苦守三十餘年一門雙節兩世同貞詔旌之

王氏民家女適於于有吳某者窺其夫于田翁姑亦因  
事他出遂調之不從脅以刃氏厲聲唾罵吳憤甚殺  
之翁姑歸驚駭氏忽甦歷言被殺狀言畢復絕鳴于  
官吳乃服罪康熙三十六年奉旌

安氏張士林母年二十夫故勤紡織撫子成立

婁氏生員潘履泰妻翁病垂危割股奉食病尋愈

司氏劉又向妻福建學政司百職之妹割股療夫病

氏王興周妻生一子夫亡氏哀毀幾絕念舅姑年邁

子在襁褓孝慈兩盡守節三十餘年

張氏李平允妻二十六歲而寡姑病危氏割股以進勤  
紡績教稚子孝慈兩全里黨重之

劉氏生員于嘉行妻年十六于歸事翁姑至孝翁病割  
股以進疾頓愈翁後又病復割以食翁病又愈

何氏于獻明妻明故子先言方彌月氏矢志堅守教之  
成名

陳氏李光燦妻燦故家無升斗氏勤紡績事孀姑育稚  
子備歷艱苦邑令獎之

李氏于五星妻夫亡事親撫幼俱出十指紡績問歷四  
十餘年不衰鄉黨高其節操

通許縣志

卷之六

人物志

十

列女

張氏郭繼義妻義故氏勤紡績織以供翁姑撫嬰兒成  
人苦節四十餘年閭黨重之

貧氏于慶妻年十七生二子夫亡翁瞽而鰥叔方數齡  
氏善爲撫之復爲翁再娶飲食起居問視備至後翁  
又喪偶且多病氏率子婦事之有加

曹氏生員干秉直妻生子甫數月直故氏縊柩前遇救  
得免姑喻以奉老撫幼氏涕泣拜命以從

馬氏廩生潘樞妻樞病且危謂氏曰我病萬不能起汝  
年少艾無所出奈何氏曰無憂死願與君同穴耳樞

死氏數欲自盡不可得依兄以居節操彌堅

厲氏子一忠妻早寡子方二歲母弟欲令改適氏曰我知從一而終耳撫幼子成立年八十四而終

王民生員馬之驄妻原籍浙江會稽人驄與氏各隨父任廣西後驄父調河南通許丞以婚期近驄遂留廣西旋值吳逆之變氏父戰死驄亦病故氏痛夫骨未歸不敢死卒待叔至扶櫬來許守節完貞艱辛萬狀盧氏于紹堯妻夫故無子女氏矢志堅守事翁姑晨昏不怠夫弟紹湯冲幼亦依氏成立

劉氏劉廷蘭妻年十八適蘭蘭故堅守四十餘年子瑋

通許縣志

卷之六

人物志

十一

列女

孫愷俱入庠

于氏吳姓妻姑病割股作羹以進姑病尋愈

張氏馬騮母夫亡孀姑在堂克盡婦職騮娶劉氏生一

子五歲騮又亡姑婦雙婺志節彌堅鄰里欽之

李氏于五粹妻粹亡氏孝事舅姑撫姪秉元爲嗣教之讀書秉元早歲食餼族黨姻戚咸稱之

周氏監生何策妻策死撫嗣子如己出苦節四十九年徐氏于伍鳳妻夫亡子四歲氏晝夜紡績上事舅姑下

撫幼子苦節五十餘年

蒲氏陳道宏妻宏亡奉姑撫子艱辛備嘗年七十而卒

李氏武生王來詢妻詢故子璟方一歲氏撫之成立璟娶張氏事李惟謹李亡璟慟哭月餘而死張氏克繼姑志堅貞自守撫子繩伊成立

于氏周曉妻姑病垂危氏焚香默禱割股以進姑病遂愈後夫病氏復焚香默禱割股進夫亦愈

曹氏任大顯妻年二十夫死遺一子家甚貧紡織事姑堅苦百狀守節三十五年雍正十二年旌

于氏李耀先妻年十九夫亡遺子方數月氏勺水不入口者三日誓以死殉姑曰汝死我必不能獨生氏勉強從命以紡織度日及姑病焚香祈禱願借已壽以

通許縣志

卷之六

人物志

十二

列女

延姑壽閱一紀姑歿氏亦尋亡鄉黨異之

姬氏于福友妻年十八夫故生遺腹子家貧甚凶年丐食以給族人憐其苦節嘗斂柴米助之

張氏郜尚仁妻無子姑先夫故遺三叔氏皆爲婚娶後叔孀俱亡遺一子氏爲撫養成立奉老翁存孤宗苦節堅貞歷四十餘年

龐氏年十七適李姓甫二載夫故子僅四月家又貧氏矢志堅貞紡績奉翁歷四十年不衰

婁氏劉肅妻肅亡氏欲從死姑泣曰獨不念老婦耶且汝舅汝夫未塋將誰賴氏乃拭淚治喪以族姪大文

爲嗣葬舅與夫如禮奉姑彌孝鄉里稱之

張氏廩生王國士妻夫病割股爲羹食之病尋愈

劉氏生員王楷妻素以孝聞嘗割股療翁病

于氏劉永亨妻年十八夫死於賊遺子尚文甫三月氏歷艱辛以撫及尚文婚生三子而卒又皆倚氏成立苦節六十餘年

張氏福建學政司百職繼室職病割股進食病遂愈越年職沒遺二子未及齒氏教之成立人咸難之

吳氏武舉張蕙宗妻生子甫數月蕙宗故氏慟不欲生家人苦勸乃免姑病奉事弗懈至男婚女嫁俱出之

通許縣志

卷之六

人物志

十三

列女

紡績中孀居垂四十年勤苦如一日

岳氏程現麟妻現麟故氏奉翁姑撫嗣子歷二十六年守節完貞孝慈兩全

王氏張茂宗妻夫亡事孀姑撫孤子苦節堅貞家道以立

魯氏陳璣妻年十七于歸夫亡氏孝翁姑撫稚子里黨欽其節孝上其事得奉旌獎

劉氏附監司奇觀妻翁姑久病不痊焚香祈以身代及奇觀歿遺二子百任百莊氏教以義方所居僻鄉無師受業因遷居令子就學姪百謨百典百誠亦從之

俱得成立乾隆十六年旌

劉氏杜國賢妻年十七歸國賢甫三載國賢死奉姑苦  
守姑歿殯葬如禮歷節四十九年

李氏司百安妻高氏司百里妻安與里同懷兄弟相繼  
歿李無所出高撫襁褓孤成立娣姒同節八咸義之  
張氏李廷桂妻年十七歸李姑早亡祖姑楊失明氏事  
之極孝夫故遺子四祖姑與舅又相繼而歿氏既無  
伯叔亦鮮兄弟三喪克舉四子成立郡守獎之

李氏生員王勲妻翁病不痊氏兩割股以進病愈事在  
康熙三十二年氏卒時年三十二鄉黨哀之

通許縣志

卷之六

人物志

十四

列女

盧氏于希孔妻姑李氏病危氏焚香禱天地割股爲羹  
姑食之病愈

劉氏楊克明妻夫歿氏年十七事舅姑以孝撫繼子以  
慈守節三十二年雍正十二年請旌

周氏武生潘清妻守節二十九年雍正八年旌

吳氏龐原妻夫亡守節四十六年雍正十一年旌

畢氏武生賀廷瑒妻年十九夫亡守節雍正十三年旌

聶氏賀聚堂妻夫亡自縊乾隆二十四年旌

毛氏婁星凱妻夫亡守節乾隆二十六年旌

王氏李貴有妻拒暴自縊乾隆二十年旌

師二姐邑民師孔之女拒暴自縊乾隆二十八年

王氏生員孫克紹妻夫亡事翁姑盡孝歷節五十年雍

正十一年旌

李氏賀仕英妻守節三十三年乾隆十八年旌

陳氏宋士富妻年十九夫亡氏孝翁姑撫幼子苦節幾

六十年鄉里稱之

婁氏李潤色妻夫故遺孤甫三月氏撫之成立事翁姑

以孝稱守節三十四年

荷姐張問行女許字魏法雲法雲故女聞信即日自縊

婁氏秦玥妻年二十一夫亡無子孝事翁姑以夫長兄

通許縣志

卷之六

人物志

十五

列女

之子學珠爲嗣孀居四十餘年

李氏郭含秀妻夫故無子事姑曲盡孝道以夫堂兄之

子洪臣爲嗣守節三十餘年

楊氏劉鸞妻夫故矢志不渝育子成立孀居五十餘年

王氏于宗泗妻年二十夫亡自縊

趙氏劉嘉會妻夫故矢志堅貞孀居七十年

周氏黃道宏妻年二十二夫亡姑老子幼氏勤紡績以

給歷節三十六年

徐氏謝楷妻年二十夫亡時公姑年邁二子俱幼氏勤

紡織以供孀居五十六年

吳氏李方伯妻夫亡矢志堅貞孀居三十餘年

李氏吳德潤妻夫亡守節三十餘年

張氏趙奇璿妻夫故撫幼子成立孀居四十餘年

張氏馬獻璽妻年二十夫亡家貧勤紡織以事翁姑守

節五十九年

張氏仲三則妻夫亡家貧氏勤紡織事翁姑以孝撫子

成立

武氏朱顯妻顯亡堅志守節孝翁姑撫幼子及翁姑歿

負土添墓不避寒暑享年七十有三鄉里稱其賢

王氏徐運章妻年二十夫亡趙氏運章弟洪章妻年二

通許縣志

卷之六

人物志

十六

列女

十四夫亡娣姒同心守節王氏現年七十有七趙氏

現年七十有三

張氏張子昂妻夫亡事孀姑撫幼子歷節四十六年

楊氏于夢龍妻年十七適龍越五載龍卒遺子浮瀼甫

一歲氏堅志守節勤紡績以教子現年六十有七

郭氏于五花妻年二十夫亡撫遺子歷節三十五年

武氏吳方旺妻年十七適旺生子方一歲夫亡氏績紡

爲業艱苦備嘗現年六十有五

倪氏武勲妻夫故守節五十一年

氏于希温妻夫卒無子勤績紡以守後爲夫弟娶婦

生子取爲嗣撫之成人歷節三十一年

孟氏陳天錫妻錫亡無子以侄夢麒爲嗣麒亡婦杜氏  
與姑同志相守孟歷節四十二年杜現節三十五年  
婁氏裴景行妻景亡無子堅志守節現歷三十二年  
王氏朱應祥妻祥亡氏堅志守節五十六年  
邱氏楊起美妻夫亡氏年二十二守節不渝撫孤成立  
岳氏劉廷選妻年二十夫亡撫孤守節現年七十有一  
邱氏韋國讓妻夫亡撫孤守節現年五十四歲  
張氏婁星卓妻卓亡氏守志不渝歷節三十年  
齊氏盧榮妻榮亡守節三十二年

通許縣志

卷之六

人物志

十七

列女

薛氏王應奇妻奇亡氏撫幼子成立後子亡遺一孫相  
倚爲命現年七十一歲

張氏李榮妻榮亡氏年二十事舅姑撫幼子身勤績紡  
辛苦備嘗守節三十餘年

段氏李萬民妻年十八歸李未三月夫亡家甚貧有勸  
改適者氏不從姑哭子喪明奉之三十四年未敢少  
怠姑旣沒事翁尤謹里黨中稱節孝兼全云

徐氏于福恒妻年二十二夫亡生遺腹子昌濬氏教養  
以延夫嗣守節三十三年

杜氏王美妻美亡遺一子未及晬翁姑在堂氏婦代子

職奉養倍至育稚子成立矢志四十餘年

李氏王曰敏妻夫亡遺三子俱幼翁姑在堂氏孝行無

虧教三子均入膠庠

婁氏于宗士妻夫亡氏年二十二撫子廣才成立娶張

氏生子甫一歲廣才又亡一門雙寡艱苦備歷婁氏

七十二歲終張氏苦守貞節

仲氏張光耀妻夫亡撫孤歷節五十年而終

薛氏張坦妻坦亡氏年二十二事姑以孝撫孤以慈守

節四十六年

程氏于盤妻年十八夫亡以侄福榮爲嗣孝翁姑和妯

通許縣志

卷之六

人物志

十八

列女

婁邑令黃給匾獎之現年七十有三

王氏婁星經妻經亡無子氏矢志守節事姑以孝稱天

弟武生振綱妻李氏生子運端方襁褓卽繼爲嗣振

綱沒妻亦矢志共守

婁氏陳大華妻夫亡堅志守節孝事孀姑教子義方現

節三十年

楊氏婁六行妻夫故無嗣氏孝事翁姑供養皆出自紡

績中歷節五十餘年以夫堂兄之子爲嗣

邊氏婁運明妻夫死無子以夫堂兄之子爲嗣守節四

十餘年

陳氏胡鵬來妻夫亡無子誓以死殉家人救之得免守節五十五年

劉氏婁鈔妻夫亡氏年二十三以夫兄之子爲嗣子又亡與子婦相守現年七十

于氏生員王所瑛妻夫亡氏孝事病翁以夫弟增生所  
珩子徵爲嗣嚴以課之後亦成名歷節三十九年

顧氏婁富興妻夫亡勤紡績以事翁姑訓子入庠現節三十一年

張氏孫宏緒妻年二十一夫亡堅志守節姑有疾割股以進病遂愈壽八十一而卒

通許縣志

卷之六

人物志

十九

列女

孟氏李文進妻年二十二夫亡乏嗣誓欲以死殉姑勸之乃止勤紡績以事姑歷節三十一年

張氏趙子師妻夫亡勤紡績以給現節三十二年

賈氏馬重旺妻夫亡氏年十九事舅姑以孝撫幼子以

慈守節四十七年

汪氏傅喜春妻年十八夫亡孀居六十八年

氏李耀松妻夫亡家貧勤紡績以事姑撫嗣子成立

現節三十四年

王氏崔大成妻年十六夫亡父母令改適堅志不從事

舅姑終身爲夫 妾生子延崔氏之脉邑令獎之

康氏貧瑟妻年十八夫亡守節姑病割股以進

萬氏貧之玉妻年十九夫亡乏嗣以夫兄之子爲嗣家貧勤紡績以給現節三十六年

霍氏李儉妻年二十三夫亡子方三歲姑欲令改適氏抱子而泣姑哀其意而止歷節五十一年

王氏司王度妻年十九夫亡生遺腹子守志終身

崔氏蔡興發妻年十八夫亡矢志堅守現節四十七年

李氏張進忠妾忠亡堅苦守節現年六十三歲

張氏馬世英妻夫亡子騮尚幼氏教之成立娶婦劉氏騮亡夫婦同志艱守張歷五十二年劉節三十四年

通許縣志

卷之六

人物志

二十

列女

毛氏李宏玉妻年二十一夫亡守節現歷四十年

夏氏馬全有妻夫亡氏堅志撫孤現節三十年

彭氏張則行妻年二十二夫亡家貧無子氏矢志守義以夫兄之子爲嗣現節三十六年

郭氏馬懋全妻夫亡氏堅志守節歷三十一年

賈氏李三智妻夫亡孀居四十二年

劉氏司鑄妻夫亡無子以夫堂弟一鶴之子爲嗣現節四十九年

王氏監生司彭年妻夫亡無子以夫堂弟荆牧之子爲嗣現節二十九年

張氏孫本妻夫亡無子以族姪爲嗣氏撫之若已出事  
姑以孝聞現節三十三年

杜氏張玫妻夫亡無子守節不渝歷四十七年而卒

陳氏裴瑢妻夫亡矢志守節歷四十七年而卒

馮氏夏治淵妻年二十二夫亡無子以夫堂兄之子爲

嗣現節三十年

高氏王慎妻夫亡親老子幼氏孝慈兩盡現節二十九  
年

張氏孫士範妻年二十一夫亡生遺腹子元福撫之成  
立事翁姑以孝稱守節三十五年

通許縣志

卷之六

人物志

二十一

列女

侯氏馬仁妻年二十二夫亡孝事孀姑歷節四十九年

鞏氏張伯芝妻夫亡撫孤成立現節三十五年

張氏生員張鈞妻夫亡事翁姑撫幼子現節三十年

張氏張銳妻夫亡事親撫子歷節五十一年

趙氏鄭國璣妻年二十一夫亡無子以夫兄之子爲嗣  
後亦亡氏守志不渝事姑至孝現節三十七年

李氏張其鎮妻夫亡守節五十一年

張氏桂世祿妻年二十夫亡堅志守節歷五十八年

溫氏張以良妻守節四十一年毛氏張以權妻守節二  
一年夏氏張以恭妻守節五十八年趙氏張以經

妻守節四十四年張氏張以恒妻守節三十四

故民張獻珩子婦里人呼爲五節張家

白氏劉行妻年十七行亡氏矢志靡他現年六十二歲

張氏張六璋妻年十九夫亡生遺腹子撫之成立現年

七十六歲

裴氏武珮妻年十九夫亡撫孤守節五十九年

郭氏曹珽妻年十九夫亡無子撫夫姪大山如已出現

年六十九歲

王氏李良玉妻夫亡無子守節三十年

馮氏郭建都妻夫亡守節六十五年現年九十歲

通許縣志

卷之六

人物志

二十二

列女

宋氏鞏驥妻夫亡守志葬翁姑以禮歷節四十八年

王氏劉成壁妻年二十三夫亡事翁姑盡孝及卒竭力

營葬事現節三十八年

周氏張明妻夫亡苦志堅守現節三十七年

劉氏袁氏監生張恭儉妾儉亡同勵貞操三十一年

門氏張錞妻年二十夫亡孝事翁姑守節六十四年

王氏李均妻年二十四夫亡子方遂娶張氏年二十二

亦寡姑婦相依王守節四十三年張現節三十八年

游氏張景瑞妻夫亡家貧氏以紡績餬口孝事翁姑撫

子成立現節三十三年

夏氏張六行妻夫亡乏嗣以族子爲繼守節四十五年  
劉氏張澤敷妻年二十二夫亡無出翁姑年屆八旬氏  
守志孝養歷節二十七年而卒

李氏趙旺珠妻夫亡矢志歷五十九年

李氏王子榮妻年二十三夫亡無子守節三十年

趙氏馮玥妻夫亡孝事翁姑現年七十歲

孫氏鄭瑞妻夫亡無子以族子爲嗣守節五十五年

張氏張文登妻年十九夫亡事翁盡孝以族子繼夫後

守節三十一年

張氏張元祥妻年十九夫亡無子以夫堂弟之子爲嗣

通許縣志

卷之六

人物志

二十三

列女

現年五十有八

史氏張鏡妻年二十二夫亡善事翁姑教育幼子歷節  
三十八年

康氏張鉉妻年十八夫亡子尚在懷抱矢志不移事翁  
姑得其歡心歷節四十年

張氏史興邦妻年二十夫亡乏嗣家貧親老氏勤紡績  
以奉翁姑及卒喪葬如禮現節三十八年

王氏司王柱妻柱故孀居四十二年邑令給匾獎之

陳氏張葉妻年二十一夫故無子孝事孀姑以族子爲

嗣壽六十有七

孫氏馬作棟妻年十九夫故守節現歷二十九載

張氏生員耿士著妻年十九夫故無子誓以死從舅姑

固勸乃止以侄昂爲嗣孀居六十七年

仲氏王之玠妻年十九夫亡以侄麟爲嗣事姑以孝苦

節三十二年

婁氏張瑀妻年二十二瑀亡勤紡績以供孀姑撫子成

立守節六十年學院給匾獎之

劉氏秦士理妻年二十夫亡家貧遺子僅二歲氏苦歷

二十年爲子娶婦甫生孫子與婦俱亡氏倍嘗艱辛

撫孫成立里人稱其賢

通許縣志

卷之六

人物志

二十四

列女

厲氏劉坤妻年二十四夫亡事翁姑以孝聞及沒喪祭

盡禮現節四十九年

劉氏張鶴妻年二十二夫亡遺一子氏矢志堅守事翁

姑盡孝撫孤成立現節三十一年

王氏趙廷士妻年二十三夫亡氏誓以死從舅姑力勸

乃止事二親以孝撫孤子以慈守節三十年

張氏于昌珩妻珩故氏奉親撫孤現節三十六年

王氏張又賢妻年十九夫亡撫幼侄爲子現節三十年

陳氏厲廷輝妻年二十夫亡撫子守節四十六年

于氏劉國周妻年十八夫故遺一子甫數月家貧氏勤

紡績以給現節二十九年

于氏盧士魁妻年十八夫亡氏即欲從死父勉以翁  
在堂當盡孝氏乃苦志守節經歲荒紡績養親衣食  
無缺翁姑卒氏自營葬事

王氏陳正倫妻夫亡守節五十三年

康氏王端宇妻年十九夫亡無子勤紡織以奉翁姑爲  
夫弟娶婦生子取爲己嗣教之成立現節四十一年  
張氏連維德妻年十八夫亡生遺腹子氏勤紡績以給  
子方成人又亡苦守五十一年

李氏武生齊宏烈妻年二十夫亡無出以侄聞韶爲子

通許縣志

卷之六

人物志

二十五

列女

歷節四十四年

曹氏李浩妻夫亡遺子在懷抱氏堅志撫孤後姑病朝  
夕侍湯藥不怠歷節五十八年

趙氏馬有德妻年十九夫亡子方及晬氏勤紡績撫之

成人守節四十五年

蔡氏張廷仁妻夫亡家貧善奉翁姑現節三十年

何氏馮宗禹妻夫亡善撫遺子歷節五十七年

馬氏張廷棟妻夫亡無子以姪嗣守節三十六年

王氏毛惠妻年二十一夫亡生遺腹子撫之成人苦節

五十二年

王氏張功妻年二十夫亡遺子尋亦夭歷節四十九年  
王氏侯子緒妻年二十夫爲兄所殺氏大慟每祭取夫  
衣履雜楮錢焚之焚既盡遂縊於柩側

李氏增生吳道源妾年十九道源病篤謂氏曰我死汝  
可改適氏泣曰主死子幼嫡又多病我不可去及道  
源卒奉嫡彌謹持家有法現年七十一歲

宋氏王呈祥妻年十九夫亡無出以夫姪爲嗣壽七十  
餘而卒

韓氏王國俊妻年二十三夫亡子方在襁褓氏勤紡績  
教之成立壽八十有八

通許縣志

卷之六

人物志

二十六

列女

李氏李耀榮妻年二十一夫亡無子氏以紡織所入爲  
夫弟買妾及生子取爲嗣歷節三十四年

謝氏張位妻夫亡家貧携子依母家守節五十二年

劉氏謝應元妻夫亡守節四十五年邑令給匾獎之

楚氏徐得喜妻年二十二夫亡守節五十五年

姜氏張廷芳妻夫亡紡績教子成立歷節三十年

許氏張爾位妻年二十二而寡事翁姑以孝撫孤子以

慈歷節五十八年

楊氏毛士卓妻年二十五夫亡仰事俯育備極辛勤子

既婚又亡婦趙氏年二十一與姑同志苦守

李氏張合德妻夫亡子鉉甫二歲教之成立現年八十  
五歲一堂五世家業倍饒人以爲才節兼全云

趙氏韓方楚妻夫亡矢志冰霜現年七十歲

李氏王暘妻夫亡堅守貞操現年六十有三

龐氏李子旺妻年二十一夫亡子甫三歲家貧衣食不

繼氏晝夜紡織以奉翁現年八十歲

王氏崔智妻年二十四夫亡孝事孀姑慈育孤子現節  
三十一年

潘氏毛珠秀妻年十九夫亡守節今已三十五年

楊氏梁作楫繼妻年二十一夫亡事翁姑以孝聞卒年

通許縣志

卷之六

人物志

二十七

列女

七十五學院張給匾獎之

李氏崔峒妻夫亡矢志守節奉翁姑極孝及卒親理葬  
事以族侄照台爲嗣現節三十一年

李氏席安國妻夫亡撫幼叔及二子成人現節五十年

張氏游鑑妻有廢疾不育鑑又娶於郭鑑亡堅志同守

孝翁姑撫稚子張歷節二十九年郭歷節三十一年

耿氏監生梁廷相妻相亡善事公姑教嗣子義方現節

三十五年

張氏苗似蘭妻夫亡無子似蘭仲弟似馨亡妻仝氏亦

無子季弟似松亡妻袁氏生一子妯娌同撫之孝事

公姑間里以爲難

祁氏張崇惠妻年十八夫亡無子以侄法堯爲嗣今五十五歲

李氏范奇妻夫故矢志守節奉祖姑及翁姑以孝聞現節三十八年

于氏張志義妻夫亡無子以侄巍爲嗣現節三十七年  
盧氏生員陳文朗繼妻夫故事姑以孝撫子以慈現節二十六年

劉氏王珍妻年二十夫故姑年七十餘子僅一歲氏勤紡織以給卒年六十有六

通許縣志

卷之六

人物志

二十八

列女

游氏高月妻年二十一夫故翁姑七十餘一子甫週歲氏紡織以爲孝養之資壽八十而終

霍氏梁天斗妻年二十二夫亡守節姑病親嘗湯藥每夜拈香願以身代病旋愈

高氏劉大展妻年二十夫亡教子成立現節三十四年  
王氏韓馨妻年二十一夫亡守節現年七十有二

張氏王國安妻夫亡無子苦守三十四年  
周氏趙法貴妻夫亡苦志守節歷四十餘年

劉氏靳克展妻年二十夫亡孝翁姑教幼子守節四十六年

葉氏牛耀妻年二十耀亡以夫侄爲後守節四十年

婁氏曹斌妻夫亡訓子成立現節三十五年

張氏厲惠妻夫亡守節歷三十六年

羅氏婁珩妻夫亡孝事翁姑撫幼子成立苦節三十年

張氏高珍妻夫亡守節孝翁姑撫幼子歷五十四年

時氏吳栢妻年二十一夫亡生遺腹子撫之成立現年

五十有八

羅氏傅向正妻年十八夫亡紡績撫孤現節三十五年

馬氏張溫宗妻夫故無子事翁姑能孝以夫弟居安之

子監生紹祖爲嗣歷節三十九年

通許縣志

卷之六

人物志

二十九

列女

劉氏張睿宗妻年十九夫亡無子家貧紡績度日現年

五十歲

馬氏張永妻夫故矢志靡他守節四十六年

章氏張蘊習之母夫亡孀居四十八年壽七十三而卒

陳氏李如陳妻夫亡無子甘貧守節三十八年

袁氏張思禹妻夫亡堅志苦守現節三十四年

秦氏郭大旺妻夫故守志不渝現節三十四年

陳氏康克儒妻夫故矢志守節家貧善事翁姑撫幼子

成人歷節七十三年壽九十七而卒

氏張傑妻夫故家貧子幼事孀姑以孝善撫幼子

紡績以給後子亦亡艱苦愈甚歷節三十二年

王氏牛世傑妻夫故事翁姑能孝守節三十年

潘氏劉璟妻璟故遺孤在抱養于夫兄璉未幾璉亦故

遺孤二歲潘與璉妻趙氏合志守節歷五十四年

趙氏劉璉妻夫故守節四十二年

萬氏王思溫妻年二十二夫亡撫子現節三十七年

姜氏劉宏寶妻姑病不痊氏割股和羹以進姑病遂愈

李氏郭文妻夫故艱苦備嘗歷節三十五年

宋氏司林妻年二十夫故無子善事翁姑勤紡績以給

嗣姪爲後守節六十餘年而卒

通許縣志

卷之六

人物志

三十

列女

杜氏劉槐妻夫故子未及晬守節不渝現節三十四年

王氏郭建邦妻年十九夫亡守節五十三年

貧氏張溶妻年十六夫故無子以夫兄之子永安爲嗣

現年五十歲

李氏張士亮妻夫故孀居三十六年

傅氏尹河妻夫故撫子守節現歷三十四年

張氏王普臣妻夫故堅志守節事姑孝現節三十一年

馬氏趙文玉妻夫故孀居二十九年

段氏王作梁妻翁病不痊氏割股以進遂愈

高氏郭綱妻夫故家貧紡績以給歷三十年無渝志

陳氏姜洪烈妻夫故家貧守節現歷三十二年

李氏郭亮工妻夫亡訓兩子成人歷節四十三年

胡氏仲愷妻夫亡奉親撫子各盡其道現節三十年

王氏生員趙名震妻夫亡勤紡績訓子守節六十年

魏氏趙名輔妻夫亡訓子成立現節五十七年

汪氏杜景揚妻夫亡守節歷六十年

扶氏湖廣運糧千總馬毓華繼妻夫亡守節三十二年

吳氏馬隨龍妻乾隆二十七年翁病割股病隨愈

張氏祁文炳妻年二十二夫亡率嗣子顯奉事翁姑始

終不懈及嗣子卒撫幼孫艱苦備嘗現節三十一年

通許縣志

卷之六

人物志

三十一

列女

賀氏張瑾妻年二十一守節撫子成人歷五十三年

張氏任端妻撫幼子矢志守節現歷四十五年

林氏任朝聘妻翁病不痊割股以進病旋愈

李氏劉光前妻夫亡孝事孀姑歷五十餘年

蕭氏何派遠妻守節五十五年子輝娶孔氏輝故姑婦

相依共勵清操

婁氏張萬英妻夫故奉翁姑竭心力擇繼以延夫嗣

班氏何九野妻夫故無子服闋復經於柩側

汪氏范成績妻夫卒事翁姑曲盡孝道擇繼延夫嗣苦

節三十六年

氏賀境妻夫故事孀姑撫遺子歷三十年而  
妻氏陳性妻性亡孝事翁姑以夫弟之孫爲後學院給  
匾獎之

于氏陳悌妻悌亡無子以姪爲嗣學院給匾獎之  
張氏秦世方妻夫亡守節撫嗣子現歷四十五年  
李氏馬顯光妻夫故撫遺子歷節四十九年  
孟氏王方陶妻年二十三夫亡守節三十五年  
劉氏龐大猷妻夫亡無子以姪嗣守節四十八年  
周氏李廷璧妻年十九夫亡無子女事舅姑盡職及卒  
喪葬如禮現節四十九年

通許縣志

卷之六

人物志

三十二

列女

王氏李振先妻夫亡無子女苦守三十六年  
潘氏馬毓珣妻夫亡無嗣守節四十五年  
于氏王緒公妻年二十一夫亡仰事俯育賢孝著于閭  
里現年五十有三  
齊氏陳坤妻乾隆三十三年割股愈姑疾  
張氏張方平妻年十六夫亡無子以姪嗣家雖貧事翁  
姑盡職年五十而卒  
李氏陳樑妻年二十二夫亡事舅姑盡孝卒年六十六  
陳氏李言義妻年二十一夫亡生遺腹子事老撫幼現

節三十年

王氏王方頤妻夫亡無子以姪嗣孝事翁姑守節三十六年

婁氏徐含美妻夫亡勵志守節歷五十餘年

劉氏徐繼恭妻夫亡守志不渝歷節五十五年

謝女許字張成積成積年十五出亡女守俟十餘年後  
徑來夫家事翁姑姑病刲股以進病遂愈以姪紹爲  
嗣現年六十有七

郭氏馬連妻年二十一夫故依族叔之驪紡織以給苦  
節五十五年

馮氏武國吉妻夫亡孝事翁姑守節三十二年

通許縣志

卷之六

人物志

三十三

列女

張氏李子章妻年二十夫故事姑盡孝以姪爲嗣現節  
三十三年

劉氏王懷妻乾隆四年割左股愈夫病越二十年而夫  
卒後姑病復割股姑病亦愈

朱氏劉應全妻割股愈夫病後夫卒堅志守節奉翁姑  
惟謹現歷二十七年

劉氏范恭妻夫亡事翁姑最孝守節六十五年

氏王象宸妻夫亡年十九歲生遺腹子鴻娶

鴻又早歿氏偕寡媳弱孫守節迄今年近古稀

